

Scola Trin von A - Z

absenzas

La regulaziun pertutgant las absenzas chattais Vus tar **leschas / urden da scola** sin quella pagina d'internet.

abunament da skis

Tut ils uffants da scola da Trin e Flem retschaivan mintgamai la primavaira gratuit l'abunament da stad ed anvien. L'abunament sto mintgin ir sez per tur tar la Arena Alva SA.

accidents

Per accidents che schabegian durant scola resp. scolina stat Vossa assicuranza privata bun.

allergias

Igl è impurtant che Vus infurmais la persuna d'instrucziun davart allergias u malsognas eventualas da Voss uffant.

attestat

La persuna d'instrucziun da classa fa in attestat a la fin dal semester ed in attestat annual a la fin da l'onni da scola.

autoritads da scola

La scola Trin (scolina e scola primara) è suttamessa al cussegl da scola che ha 5 commembers. Il schef dal departament dal cussegl da vischnanca è commember dal cussegl da scola. In commember dal cussegl da scola da Trin è commember dal cussegl da scola da Flem cun ina vusch consultativa.

bus da scola

Ils uffants da Mulin da la scolina e scola primara retschaivan in abunament annual per ir cun l'auto da posta da Mulin fin Trin. Ils uffants dal stgalim superiur survegnan era in abunament annual per il viadi da Trin a Flem.

communicaziun

Nus na discurrin betg da personas pertutgadas mabain cun personas pertutgadas!

contact

In bun contact tranter scola e geniturs è in grond intent da nus. Per dumondas, problems u resuns as drizzai sco emprim a la persuna d'instrucziun da classa. Segunda persuna da contact, resp. lieu d'infurmaziun è il mainascola. Sch'in problem na sa lascha betg schliar tras quels dus posts da consultaziun, vegn il cussegl da scola involvì.

crudar ora da l'instrucziun

Tar in'annullaziun da l'instrucziun vegnis Vus infurmads a temp. Croda ina persuna d'instrucziun ora a curta vista, vegn l'instrucziun annullada enfin ch'ina persuna d'instrucziun è chattada. Tgi che dovra surveglianza sal uffant s'annunzia tar il mainascola.

cuminanza

En la cuminanza da nosssa scola duain tuts avair plaz. Resguardar e respectar las reglas èn la basa latiers.

dentista

Ina giada l'onn han lieu las visitas da controlla da la dentista da scola, dunna dr. med. dent. Anita Wehrle. Geniturs, che vulan laschar controllar lur uffants sin agens custs da lur dentist privat, pon scriver ina dispensa per las visitas.

dis da joker

La scola Trin na maina betg dis da joker. Ils responsabels d'educaziun pon dentant prender lur uffants ord la scola en cass giustificads. Las personas da contact èn reguladas sut leschas/urden da scola/cumpetenzas da congedis. Dumondas da prolungaziun da vacanzas avant e suenter las vacanzas da stad na vegnan betg lubidas. Dumondas da prolungar vacanzas durant l'onn da scola èn d'inoltrar ad uras al presidi dal cussegl da scola. Prolungaziuns da vacanzas e dumondas da congedi vegnan lubidas mo ina giada per ciclus. Nus renviain a l'artitgel 55 da la lescha da scola.

dis da sport

La Scola Trin maina atras differents dis da sport durant in onn da scola. En il center stattan ils gieus ed il plaschair.

dis da visita

Ils dis da visita han lieu il segund semester. Las datas vegnan publicadas sin la pagina d'internet. Geniturs ed auters interessads pon durant quels dis prender invista en il mintgadi da la scola.

instrucziun da musica

L'instrucziun da musica vegn organisada ed instruida da la scola da musica da Domat/Favugn. I dat anc ina purschida sin basa privata.

instrucziun da promoziun per uffants da lingua estra

L'instrucziun da promoziun per uffants da lingua estra (ipule) è ina purschida per uffants che na san betg u memia pauc tudestg ni rumantsch. Ella sustegna ils uffants d'emprender la lingua uschè spert sco pussaivel per ch'els pon suandar a l'instrucziun da classa e pon sa participar a quella cun success.

instrucziun da traffic

L'instrucziun da traffic ha lieu en la scolina ed era en scola primara. Ella vegn organisada da la polizia chantunala.

lavor sociala da scola

La scola Trin n'ha betg in post per lavor sociala da scola. Il mainascola po sch'i fa da basegn dumandar per agid extern.

linguas d'instrucziun

Las linguas d'instrucziun en la scolina ed en la scola primara èn rumantsch e tudestg. (en scola lingua da scrittira). Davent da l'emprima classa vegnan instruidas duas lecziuns da tudestg e la matematica per tudestg. Tschellas lecziuns vegnan instruidas per rumantsch.

Pli tard s'augmenta il dumber da las lecziuns da tudestg cuntinuadamain ed en la 5- e 6-avla classa han ils uffants mintgamai 5 lecziuns da tudestg e matematica per tudestg. Tschels roms vegnan instruids per rumantsch grischun.

logopedia

La logopeda da la scola Flem, dunna Flurina Anderegg, s'occupa era dals uffants da Trin che han singularitads linguisticas.

medi da scola

En il segund onn da scoletta, resp. a l'entschatta da scola ed a la fin dal temp da scola obligatoric, datti ina consultaziun medicinala. Quella consultaziun vegnan fatgas dals medis da chasa u d'uffants.

occorenzas da scola

Las occorenzas tradiziunalas da la scola Trin èn la festa d'avertura, resp. finala, l'exposiziun da las lavurs da l'onn, la saira da Nadal, ils dis da guaud da la scoletta, il di da puma da l'emprima e segunda classa, il di da chaglioms da la terza e quarta classa e l'emna da project da la tschintgavla e sisavla classa sin l'Alp Mora.

pausas

Avantmezdi tranter las 09.20 – 09.40 uras e suentermezdi tranter las 15.10 – 15.20 uras datti mintgamai ina pausa. Igl è en l'interess da Voss uffant che Vus dettias ad el insatge sanadaivel da mangiar.

pedel

Sche Voss uffant perda ni emblida ina giada sias chaussas en la gardaroba, alura as drizzai a noss pedel signur Carl Cafilisch (tel. Nr. 078 811 00 38).

plan da vacanzas

Il plan da vacanzas da la scola da Trin chattais Vus sin questa pagina d'internet sut **infos/plan da vacanzas**.

plugls

Geniturs che chattan plugls ni lendels tar lur uffants èn supplitgads d'infurmar la persuna d'instrucziun da classa.

promoziun da sanadad

La sanadad cumpiglia aspects corporals, psichics e socials. La scola Trin emprova da promover la sanadad e la chapientscha da sanadad sin differentas modas e manieras.

psicomotorica

La terapia da psicomotorica è ina purschida da scola per uffants cun singularitads ni divergenzas en il cumportament da moviment. Il consentiment dat il mainascola.

purschidas da sport

Sper la purschida da sport da la scola datti anc ulteriuras purschidas da las uniuns da sport da Trin.

Qua ina curta survista:

uffants da 3-4 onns: ELKI-Turnen (Eltern Kind Turnen)

uffants da 5-7 onns: Sportkids Trin cun purschidas polisportivas

uffants da 7-10 onns: Sportkids Trin cun diversas purschidas en differentes geners da sport

davent da 10 onns datti diversas purschidas en las uniuns da sport.

qualitad

La scola Trin emprova d'examinar la qualitad da sia lavur per definir finamiras e mesiras.

saira da geniturs

Mintga persuna d'instrucziun da classa che surpiglia ina nova classa organischescha ina saira da geniturs en las emprimas emnas da scola. Ella serva a l'emprender d'enconuscher ed al barat d'infurmaziuns.

sa perstgisar

Sche Voss uffant è ina giada malsau u na sa betg visitar la scola per auters motivs infurmai avant l'entschatta da la lecziun la persuna d'instrucziun. En cass urgents po ina assenza era vegnida communitgada al mainascola (079 418 21 72).

tscherna da professiun


La tscherna da professiun è il tema dal stgalim superiur a Flem.

via a scola

La responsabladad per la via da scola dals uffants è tar ils geniturs. Sch'ils uffants utiliseschan urdains cun rodas sin l'areal da scola ston els purtar ina chapellina. Decider sch'in uffant dastga vegnir cun velo a scola decidan ils geniturs. Per motivs da segirtad prescriba la scola la ruta. Ils velos ston ils uffants deponer en la susta da velos da la halla polivalenta.

14.6.2020

https://geogr.mapplus.ch/viewer/geogr/public/preview_de.htm?id=htmlprint1




Datum: 14.06.2020

Das Urheberrecht an diesem Plan und den dargestellten Daten gehört der GeoGR und den Dateneigentümern. Die Darstellung basiert auf den der GeoGR gelieferten Daten. Die Daten haben keine rechtliche Gültigkeit. Verbindliche Auskünfte erteilen ausschliesslich die zuständigen Dienststellen des Dateneigentümers. Angaben zum Dateneigentümer und zum Nachführungsstand sind unter www.geogr.ch nachzulesen.

Chasa da scola fin Porclis



graubünden einzigartig vielseitig.



Datum: 14.06.2020

Das Urheberrecht an diesem Plan und den dargestellten Daten gehört der GeoGR und den Dateneigentümern. Die Darstellung basiert auf den der GeoGR gelieferten Daten. Die Daten haben keine rechtliche Gültigkeit. Verbindliche Auskünfte erteilen ausschliesslich die zuständigen Dienststellen des Dateneigentümers. Angaben zum Dateneigentümer und zum Nachführungsstand sind unter www.geogr.ch nachzulesen.

Porclis fin Trin-Mulin